

ESPEDICION PICOS 2003

AUTOR : FRANK VASSEUR
Artículo asoleyau na revista Subaquá de
la Federación Francesa d'Estudios
y Deportes Somarinos.
Torna a l'asturianu: Xesús F. Manteca

Frank Vasseur amuesa el balance de la Expedición de merguyu soterrañu n'España, Picos 2003, marcau pelos descubrimientos pero tamién portador d'un potencial enllenu promeses. Un trabayu desmanau.

¡Tierra! Alvirtiendo asina a la tripulación que les primeres tierres del continente europeu taben a la vista, el vixia d'un tal Cristobal Colón taba lloñe de decatase que los "Picos d'Europa" camudariense, delles dómines más sero, nún referente del merguyu soterrañu. Los sos cimeros cumales caliares, baños per l'Atlánticu y cargaos d'una hestoria poco común, la de Asturias, torguen el camín de les nubes que vienen de l'oceanu. Recueyen les precipitaciones con bayura, dexando a les provincies del sur les ansies de la sequera.

L'agua que percuere al traviés d'éstes montañes permeables reaparez a l'aire llibre nos valles en fontanes cristalines. Dende los altos cumales desnudos a los ríos camudables, l'agua sigue un percorriu hipoxeu que dalgunos suañen con percorrer. Baxu falsos aires de turismo esóticu, les expediciones d'espeleomerguyu nel extranxeru revistense de delles fasteres.

La motivación fondera, l'oxetivu cimero, ye'l descubrimientu de cueves, de galeríes, de ríos soterraños inda desconocidos de los homes. Tal como los salmones, fisgamos ya investigamos los fontanes na esperanza de remontar la corriente fasta lo más fondero, a lo más lloñe baxu les montañes. Y esti añu la collecha foi bona. La H.uenti'l Cuélebre, magar les sos estrechures y fondura, foi esparcida fasta -65 m. nún merguyu con trimix na manera "anglesa" (les botelles dispuestes llateralmente a lo llargo'l cuerpu y non enriba'l llombu).

Na H.uenti l'Alisa, una sucesión de galeríes inundaes, entrecortaes por tombayones y progresiones acuáticas empobinonos a más d'un kilometru de la entrada, fasta el quartu sifón. Lo más llonxano ye, ensin dubia, la Fonte la Redonda, u, dempués d'esguilar 300 metros de desnivel na fastera de la montaña y pasar un sifón de 100 m., un riu ablucante empobinanos a un segundu sifón (merguyau fasta -25 m.) dempués de remontar dellos rabiones y tombayones, a más de 1.500 m. de la entrada. Les galeríes descubiertes algamen 1.400 m.

Munches otres fontes foron igualmente reconocies, pero les esploraciones nun pudieron facese por falta tiempu. Ocho fontanes foron merguyaes y una quincena reconocides.

Pero l'aventura nun para equí. La galería descubierta ye sistemáticamente cartografiada, nel cursu de bederres sesiones de llevamientu topográficu, a menudu allargaos cuando fai falta tamién topografiar los llugares ú los equipos precedentes despreciaron esti aspeutu rudu braeramente, pero fundamental pa'l estudiu y la comprensión del furrulamientu hidroxeolóxicu de la cavidad. Les sesiones fotográfiques completen utilmente la collecha d'información. Asina, 3.300 m. de galeríes foron cartografíaes y fotografíaes.

Estes operaciones son la ocasión de reunir dellos equipos estremaos, con delles esperiencias. De los diez andechegos de l'equipu, dos monitores ya el compañerismu de cuatro participantes aseguraron la formación y el perfeccionamientu.

Una expedición al estranxeru sedría inimaxinable ensin una estrencha andecha colos equipos llarriegos. El equipu asturianu Ensame Aguarón que ta fechu per media docena d'espeleomerguyadores, acoyonos y guionos mentantu tola campaña. Los trabayos pa la nuea expedición en 2004 tan ya en marcha.

Participaron: Christian y Delphine Deit, Denis Grammont, Richard Huttler, Nadir Lasson, Laurent Mestre, Kino Passevant, Guillaume Tixier, Frank Vasseur y Damien Vignoles por Francia.

Juan Jose Alonso, Oscár Cuadrado Mendez, Javier Lusarreta y Xesús F. Manteca por Asturias.

Gracies a la sociedad Holcim pola so contribución financiera, a les sociedades Bauer, Beal, Stradal, Topstar y Torro poles rebaxes na compra de material, al almacen "Le Vieux Plongeur" pol so sofitu material, a la FFESSM (CNPS y CRPS LRMP) y a la CREI pol so padrinazu y la contribución material y financiera.

Gracies tamién al grupu "Ensame Aguarón" pol so acoyimientu, la so participación activa y la so amistá, a Josep Guarro pola axuda na organización y les informaciones, al Speleo Club de L'Aude poles autorizaciones y a Christophe Bes polos sos desmanaos informes.